

KADROVSKA KOMISIJA NARODA I PRAVDE

PITANJA I ODGOVORI ZA USMENI ISPIT

OBLAST – USTAV BOSNE I HERCEGOVINE

Pitanje	Odgovor
1. Ustavno uređenje Bosne i Hercegovine sadržano je u?	Aneksu 4. Općeg okvirnog sporazuma za mir u BiH
2. Da li entiteti imaju pravo da uspostavljaju posebne paralelne odnose sa susjednim državama, u skladu sa suverenitetom i teritorijalnim integritetom Bosne i Hercegovine?	Da
3. Od koja dva doma se sastoji Parlamentarna Skupština BiH?	Dom naroda i Predstavnički dom
4. Koliko delegata broji Dom naroda Parlamentarne Skupštine BiH?	15 delegata
5. Koliko članova broji Predstavnički dom Parlamentarne Skupštine BiH?	42 člana
6. Na koji način Predsjedništvo donosi svoje odluke?	Predsjedništvo će nastojati da usvoji sve odluke Predsjedništva putem konsenzusa. U Ustavom određenim slučajevima odluke mogu, usvojiti dva člana ukoliko svi pokušaji da se dostigne konsenzus ne uspiju.
7. Ko čini Vijeće ministara?	Predsjedavajući i ministri zajedno sačinjavaju Vijeće ministara
8. Koliko članova broji Ustavni sud BiH?	9 članova
9. Ko usvaja Budžet Bosne i Hercegovine?	Parlamentarna Skupština na prijedlog Predsjedništva BiH.
10. Da li je Konvencija o sprečavanju i kažnjavanju zločina genocida iz 1948 dodatni sporazum koji se primjenjuje u Bosni i Hercegovini?	Da
11. Ko određuje simbole Bosne i Hercegovine?	Bosna i Hercegovina će imati one simbole koje svojom odlukom odredi Parlamentarna skupština i potvrdi Predsjedništvo.
12. Koje vrste državljanstava su regulisana Ustavom BiH?	Državno i entitetsko državljanstvo
13. Ko reguliše pitanja državljanstva BiH?	Parlamentarna Skupština BiH
14. Ko reguliše pitanja državljanstva entiteta?	Sami entiteti

15. Kojem aktu Ustav BiH daje prioritet nad svim ostalim zakonima?	Prava i slobode predviđeni u Evropskoj konvenciji za zaštitu ljudskih prava i osnovnih sloboda i u njenim protokolima
16. Monetarna politika – da li je u nadležnosti institucija Bosne i Hercegovine ili institucija entiteta?	U nadležnosti institucija Bosne i Hercegovine
17. Koliko zastupnika u Zastupničkom domu Parlamentarne Skupštine Bosne i Hercegovine se bira iz Federacije Bosne i Hercegovine?	2/3 zastupnika
18. Ko vrši izbor poslanika u Dom naroda Parlamentarne Skupštine Bosne i Hercegovine?	Bošnjačke i hrvatske zastupnike biraju poslanici dotičnih naroda u Domu naroda Parlamenta FBiH, a srpske poslanike bira Narodna skupština Republike Srpske.
19. Koje su nadležnosti Parlamentarne skupštine Bosne i Hercegovine?	Parlamentarna skupština BiH ima nadležnost donositi ustav i zakone; donositi budžet, sudjelovati u vođenju vanjske politike; nadzirati rad Vijeća ministara BiH i tijela državne uprave te ima nadležnosti vezane za izbor dužnosnika i radnih tijela; kao i druge nadležnosti koje proizlaze iz Ustava BiH i njezinog ustavnog položaja
20. U čijoj nadležnosti je prema Ustavu Bosne i Hercegovine vođenje vanjske politike i kakvu ulogu u vođenju iste ima Parlamentarna Skupština Bosne i Hercegovine?	Prema Ustavu BiH, vanjsku politiku Bosne i Hercegovine vodi njezino Predsjedništvo. No, Parlamentarna skupština daje saglasnost kod zaključivanja međunarodnih ugovora, a bez nje Predsjedništvo ne može ratificirati međunarodni ugovor, niti on može stupiti na snagu.
21. Objasniti postupak imenovanja Predsjedavajućeg Vijeća ministara?	Predsjedavajućeg Vijeća ministara imenuje Predsjedništvo Bosne i Hercegovine, a odobrava Predstavnički dom Parlamentarne skupštine.

OBLAST - IZBORNI ZAKON BIH

Pitanje	Odgovor
1. Šta se uređuje ovim zakonom?	Ovim zakonom uređuje se izbor članova i delegata Parlamentarne skupštine Bosne i Hercegovine i članova Predsjedništva Bosne i Hercegovine, te utvrđuju principi koji važe za izbore na svim nivoima vlasti u Bosni i Hercegovini.
2. Šta podrazumjeva pojam „Politički subjekt“?	"Politički subjekt" podrazumijeva političku stranku, nezavisnog kandidata, koaliciju ili listu nezavisnih kandidata.
3. Šta podrazumjeva izborni ciklus?	"Izborni ciklus" podrazumijeva mandatni period koji se odnosi na određeni nivo vlasti
4. Šta je Parlamentarna stranka?	"Parlamentarna stranka" je politička partiju koja je zastupljena u predstavničkim ili zakonodavnim organima vlasti.
5. Ko može biti birač?	"Birač" je državljanin Bosne i Hercegovine koji je

	upisan u Centralni birački spisak
6. Ko može biti Glasrač?	"Glasrač" je državljanin Bosne i Hercegovine koji je upisan u Centralni birački spisak i koji je ostvario aktivno biračko pravo.
7. Ko obezbjeđuje finansijska sredstva CIK-u za provođenje izbora?	U budžetu institucija Bosne i Hercegovine.
8. Kako se vrši izbor članova svih organa?	Izbor članova svih organa vlasti vrši se na osnovu slobodnih izbora opšteg i jednakog biračkog prava direktno od birača tajnim glasanjem.
9. Koliko traje mandat izabranih članova predstavničkih tijela?	Mandat članova predstavničkih tijela izabranih na redovnim izborima traje četiri godine.
10. Od kada traje mandat izabranih članova predstavničkih tijela?	Traje od dana objavljivanja rezultata izbora u Službenom glasniku BiH.
11. Ko ima pravo da glasa i da bude biran?	Svaki državljanin Bosne i Hercegovine sa navršениh osamnaest (18) godina života ima pravo da glasa i da bude biran.
12. Da li birač koji ima dvojno državljanstvo ima pravo da glasa?	Da, ima pravo glasati samo ako je Bosna i Hercegovina država njegovog prebivališta.
13. Da li birači koji se nalaze u zatvoru, bolnici ili socijalnim ustanovama mogu da glasaju?	Da.
14. Da li sudije redovnih i ustavnih sudova, tužioci i njihovi zamjenici mogu da se kandiduju i kako?	Da mogu ali prije kandidature moraju podnijeti ostavku na taj položaj.
15. Kada pripada mandat izabranog nosioca funkcije?	Mandat pripada izabranom nosiocu mandata, a ne političkoj stranci, koaliciji ili listi nezavisnih kandidata koja ga je predložila na kandidatskoj listi.
16. Kada izabranom članu organa vlasti na svim nivoima prestaje mandat prije isteka vremena na koje je izabran?	Danom podnošenja ostavke, ako je opozvan u skladu sa zakonom, danom smrti, danom pravosnažnosti sudske presude kojom je osuđen na kaznu zatvora u trajanju od šest mjeseci ili duže, danom pravosnažnosti sudske odluke kojom je lišen poslovne sposobnosti (proglašen mentalno nesposobnim), danom kada je izabran ili imenovan na funkciju čije je vršenje nespojivo sa funkcijom izabranog člana određenog organa, kao što je predviđeno zakonom i ako odjavi prebivalište sa područja izborne jedinice u kojoj je upisan u Centralni birački spisak da glasa i u kojoj je izabran, istekom roka od šest mjeseci od dana odjave prebivališta i ako iz razloga utvrđenih zakonom izgubi pravo da bude biran.
17. Koji su organi nadležni za sprovođenje izbora?	To su izborne komisije i birački odbori.
18. Koliko članova broji Centralna izborna komisija-CIK i ko ih imenuje i na koji period?	Sastoji se od sedam (7) članova: dva (2) iz reda Hrvata, dva (2) iz reda Bošnjaka, dva (2) iz reda Srba i jedan (1) iz reda Ostalih. Predstavnički dom Parlamentarne skupštine Bosne i Hercegovine imenuje članove Centralna izborne

	komisije BiH. Imenuju se na period od sedam (7) godina.
19. Koliko članova broji Opštinska izborna komisija-OIK i ko ih imenuje i na koji period?	Sastoji se od tri, pet ili sedam članova u zavisnosti od broja registrovanih birača i veličini opštine. Članove opštinske izborne komisije imenuje opštinsko vijeće, odnosno skupština opštine, uz saglasnost Centralne izborne komisije BiH, a na osnovu javnog oglasa. Imenuju se na period od sedam (7) godina.
20. Koliko članova broji Birački odbor, ko ih imenuje i na koji period?	Birački odbor sastoji se od tri ili pet članova od kojih je jedan predsjednik. Predsjednik i članovi biračkog odbora imaju zamjenike. Predsjednika i članove biračkog odbora kao i njihove zamjenike imenuje opštinska izborna komisija najkasnije u roku od 30 dana prije dana održavanja izbora na period od godinu dana.
21. Ko se sve upisuje u centralni birački spisak?	Državljeni koji su navršili 18 godina, koji će na dan održavanja izbora navršiti 18 godina, koji imaju biračko pravo u skladu sa ovim zakonom, a žive privremeno u inostranstvu i koji ima status izbjeglog lica i registruje se za opštinu u kojoj je imao prebivalište prema posljednjem popisu stanovništva koji je izvršila država Bosna i Hercegovina.
22. Koliko je potrebno potpisa podrške za kandidaturu za Predsjedništvo BiH?	Pet hiljada (5.000) potpisa birača upisanih u Centralni birački spisak.
23. Koliko je potrebno potpisa podrške za kandidaturu za Predstavnički dom Parlamentarne skupštine BiH?	Pet hiljada (5.000) potpisa birača upisanih u Centralni birački spisak.
24. Koliko je potrebno potpisa podrške za kandidaturu za Predstavnički dom Parlamenta F BiH i u Narodnoj skupštini RS, ili za izbor predsjednika i potpredsjednika RS?	Tri hiljade (3.000) potpisa birača upisanih u Centralni birački.
25. Koliko je potrebno potpisa podrške za kandidaturu za kantonalne skupštine u F BiH?	Pet stotina (500) potpisa birača upisanih u Centralni birački spisak u kojem broj birača upisanih u Centralni birački spisak na dan raspisivanja izbora nije bio veći od 100.000 birača ili hiljadu (1000) potpisa za izbore u kantonu u kojem je ovaj broj bio veći od 100.000 birača upisanih u Centralni birački spisak.
26. Koja može posmatrati sve izborne aktivnosti i koja su prava akreditovanih posmatrača?	Predstavnici međunarodnih posmatrača, udruženja građana, političkih stranaka, koalicija, listi nezavisnih kandidata i nezavisnih kandidata pod uslovom da se akredituju, mogu posmatrati sve izborne aktivnosti u Bosni i Hercegovini, Posmatrači imaju pristup svim relevantnim dokumentima i javnim sastancima izbornih komisija,

	<p>mogu u toku cijelog perioda izbornog procesa u bilo koje vrijeme kontaktirati bilo koje lice i imaju pristup svim centrima za registraciju birača, biračkim mjestima i centrima za brojanje i drugim relevantnim mjestima.</p>
<p>27. Na kojim mjestima se provodi glasanje na dan izbora i ko određuje ta mjesta?</p>	<p>Glasanje se provodi na biračkim mjestima i određuju ih opštinske izborne komisije.</p>
<p>28. Da li je na biračkom mjestu dozvoljeno nošenje obilježja i simbola sa političkom konotacijom?</p>	<p>Ne.</p>
<p>29. Šta se sve upisuje u zapisnik o radu biračkog odbora-ZARBO?</p>	<p>Spisak i količina izbornog materijala, dostavljena biračkom mjestu, spisak svih akreditovanih posmatrača na biračkom mjestu, zapažanja o svim važnim događajima do kojih dođe na biračkom mjestu i svi ostali podaci u skladu sa zakonom.</p>
<p>30. Na dan izbora koje radnje poduzima birački odbor?</p>	<p>Izložiti prazne glasačke kutije i zapečatiti ih, prebrojati i upisati u odgovarajuće formulare ukupan broj birača za biračko mjesto na osnovu izvoda iz Centralnog biračkog spiska i prebrojati i upisati u odgovarajuće formulare ukupan broj svih glasačkih listića koji su primljeni za to biračko mjesto.</p>
<p>31. Kada se otvara i zatvara biračko mjesto?</p>	<p>Otvara se u 07:00 sati i zatvara se u 19:00 sati.</p>
<p>32. Da li će se biračima koji čekaju u redu na biračkom mjestu u vrijeme njegovog zatvaranja u 19 sati dozvoliti glasanje?</p>	<p>Da.</p>
<p>33. Koja su zaduženja predsjednika i članova biračkog odbora?</p>	<p>Predsjednik rukovodi radom biračkog odbora i zajedno s članovima biračkog odbora odgovoran je za zakonitost rada na biračkom mjestu, određuje dužnosti svakom članu biračkog odbora i evidentira ih u Zapisnik o radu biračkog odbora, održava mir i red na biračkom mjestu i njegovoj okolini, popunjava sve obrasce. Član biračkog odbora zadužen za kontrolu reda, član zadužen za identifikaciju, član zadužen za izdavanje glasačkih listića i član za kontrolu glasačke kutije. Ako se birački odbor sastoji od predsjednika i dva člana, član biračkog odbora zadužen za kontrolu reda će istovremeno obavljati i kontrolu glasačke kutije, dok će član biračkog odbora zadužen za identifikaciju istovremeno obavljati i izdavanje glasačkih listića</p>
<p>34. Na osnovu kojih dokumenata se utvrđuje identitet birača?</p>	<p>Na osnovu pasoša, lične karte i vozačke dozvole.</p>

35. Kada je glasački listić nevažeći?	Ako nije ispunjen, ili je ispunjen tako da nije moguće sa sigurnošću utvrditi kojoj je političkoj stranci, koaliciji, nezavisnom kandidatu ili listi nezavisnih kandidata birač dao svoj glas, ako su dopisana imena kandidata, ako je označeno više od jedne političke stranke, koalicije, nezavisnog kandidata ili liste nezavisnih kandidata, ako se na osnovu oznaka, koje je birač dopisao na glasački listić, kao što je potpis, može utvrditi njegov identitet, ako birač označi glasački listić na način drugačiji od onog koji je utvrđen zakonom.
36. Da li birač može dobiti pomoć drugog lica i kada?	Da ako je birač nepismen, slijep ili fizički nesposoban da sam obavi glasanje.
37. Ko sve smije biti na biračkom mjestu nakon zatvaranja istog?	Predsjednik, članovi biračkog odbora i akreditovani posmatrači koji se zateknu u momentu zatvaranja biračkog mjesta.
38. Ko utvrđuje način i postupak brojanja glasova?	Centralna izborna komisija – CIK donosi Uputstvo o provođenju izbora.
39. Ko utvrđuje način i postupak pakovanja izbornog materijala na biračkom mjestu?	Centralna izborna komisija –CIK donosi Uputstvo o provođenju izbora.
40. Kome se predaje sav upakovani izborni materijal sa biračkog mjesta?	Opštinskoj izbornoj komisiji – OIK uz zapisnik o primopredaji.
41. Ko može podnijeti prigovor o uočenim nepravilnostima u toku izbornog dana?	Birač i politički subjekt.
42. U kojem roku se podnosi prigovor o uočenim nepravilnostima na biračkom mjestu i kome?	Podnosi se odmah, a najksanije u roku od 24 sata od uočene nepravilnosti opštinskoj izbornoj komisiji-OIK.
43. Do kada akreditovani posmatrači mogu da budu na biračkom mjestu?	Sve dok se ne preda kompletno zapakovan izborni materijal opštinskoj izbornoj komisiji-OIK.

OBLAST - USTAV FEDERACIJE BIH

Pitanje	Odgovor
1. Šta je Federacija Bosne i Hercegovine i ko je sačinjava?	Federacija Bosne i Hercegovine je jedan od dva entiteta države Bosne i Hercegovine i ima svu vlast, nadležnosti i odgovornosti koje Ustavom Bosne i Hercegovine nisu date u isključivu nadležnost institucija Bosne i Hercegovine. Bošnjaci, Hrvati i Srbi kao konstitutivni narodi, zajedno sa ostalima ravnopravno uređuju FBiH, definisanu Aneksom II općeg okvirnog sporazuma za mir u Bosni i Hercegovini. FBiH sastoji se od 10 federalnih jedinica - kantona.
2. Koje simbole ima Federacija Bosne	FBiH ima grb, zastavu, himnu i pečat, koji se

i Hercegovine?	usvajaju većinom glasova u svakom domu Parlamenta Federacije BiH, uključujući većinu glasova bošnjačkih, srpskih i hrvatskih delegata u domu naroda.
3. Koji su službeni jezici i pisma u FBiH?	Bosanski jezik, hrvatski jezik i srpski jezik. Službena pisma su latinica i ćirilica. Ostali jezici se mogu koristiti kao sredstvo komunikacije i nastave.
4. Ombudsmeni i njihova uloga?	Postoje tri ombudsmena koje imenuje Parlament Federacije Bosne i Hercegovine u skladu sa federalnim zakonom i to po jedan iz svakog konstitutivnog naroda. Ombudsmeni su dužni štiti ljudsko dostojanstvo, prava i slobode zajamčene ovim Ustavom, ustavima kantona i instrumentima navedenim u aneksu. Naročito radi na otklanjanju posljedica kršenja ljudskih prava i sloboda, a posebno posljedica etničkog progona.
5. Podjela nadležnosti između federalne i kantonalne vlasti?	Postoje nadležnosti koje su isključivo na nivou Federacije. Postoje nadležnosti podijeljene između federalne i kantonalne vlasti. Kantoni imaju sve nadležnosti koje nisu izričito povjerene federalnoj vlasti.
6. Podjela vlasti u Federaciji Bosne i Hercegovine?	Postoji zakonodavna, sudska i izvršna vlast.
7. Ko vrši zakonodavnu vlast u Federaciji Bosne i Hercegovine?	Zakonodavnu vlast u Federaciji Bosne i Hercegovine vrše Zastupnički dom i Dom naroda. Zastupnički dom sastoji se od 98 zastupnika i to najmanje četiri člana jednog konstitutivnog naroda će biti zastupljeno u Zastupničkom domu Parlamenta FBiH. Poslanici Zastupničkog doma biraju se demokratskim putem na neposrednim izborima tajnim glasanjem na teritoriji cijele Federacije. Dom naroda sastoji se od 58 delegata i to po 17 iz reda svakog od konstitutivnih naroda i 7 delegata iz reda ostalih.
8. Ko vrši izvršnu vlast u Federaciji Bosne i Hercegovine?	Vladu Federacije imenuje Predsjednik Federacije, uz saglasnost oba potpredsjednika, a imenovanje potvrđuje većinom glasova Zastupnički dom FBiH. Vladu sačinjava premijer i 16 ministara i to osam ministara iz reda bošnjačkog naroda, pet ministara iz reda hrvatskog naroda, tri ministra iz reda srpskog naroda i jedan iz reda ostalih. Premijer ima dva zamjenika iz različitih konstitutivnih naroda.
9. Sudska vlast u Federaciji Bosne i Hercegovine?	Sudsku funkciju u Federaciji vrše: općinski i kantonalni sudovi, a Sudovi Federacije su: Ustavni sud i Vrhovni sud. Sudija Ustavnog suda ima devet i to najmanje po dva iz reda svakog konstitutivnog naroda i jedan iz reda ostalih.

	<p>Sudije Vrhovnog suda imenuje Visoko sudsko i tužilačko vijeće i imenuju se doživotno.</p> <p>Sudije ustavnog suda predlaže Predsjednik Federacije, uz saglasnost Potpredsjednika, a za imenovanje je potrebna potvrda većine delegata Doma naroda koji su prisutni i glasaju.</p>
10. Zakonodavna vlast kantona?	<p>Svaki kanton ima zakonodavno tijelo, koje se sastoji od jednog doma, čiji je broj poslanika utvrđen u odnosu na nacionalnu strukturu stanovništva.</p> <p>Poslanici u zakonodavnom tijelu kantona biraju se neposrednim putem na mandat od četiri godine.</p>
11. Izvršna vlast kantona?	<p>Izvršnu vlast u kantonu obnaša Vlada kantona, u kojoj će konstitutivni narodi i pripadnici ostalih biti proporcionalno zastupljeni u Vladi i to po popisu stanovništva iz 1991. godine do potpune provedbe Aneksa 7 kandidata za mjesto Premijera kantona imenuje Predsjedavajući zakonodavnog organa u konsultaciji sa zamjenicima.</p> <p>Kandidat za mjesto Premijera predlaže ministre.</p> <p>Vlada preuzima dužnost nakon potvrđivanja od strane zakonodavnog organa kantona.</p>
12. Kantonalno sudstvo?	<p>Kantoni imaju sudove koji imaju žalbenu nadležnost u odnosu na općinske sudove u svom kantonu i prvostepenu nadležnost u stvarima koje ne spadaju u nadležnost tih sudova, te druge nadležnosti utvrđene zakonom.</p> <p>Sudije kantonalnih sudova, kao i predsjednike sudova, odabira i imenuje Visoko sudsko i tužilačko vijeće.</p>
13. Organizacija općinske vlasti	<p>Općina ima općinsko vijeće i općinskog načelnika.</p> <p>Mandat članova općinskog vijeća i načelnika je četiri godine a biraju se neposrednim i tajnim izborima na cijelom području općine.</p> <p>Konstitutivni narodi i pripadnici ostalih bit će proporcionalno zastupljeni u općinskim organima vlasti prema popisu stanovništva iz 1991. godine do potpune provedbe Aneksa 7.</p>
14. Općinski sudovi?	<p>Općinski sudovi koji se mogu osnovati za područje jedne ili više općina, imaju nadležnost u svim građanskim i krivičnim stvarima, osim ako ovim Ustavom, kantonalnim ustavom ili zakonom Federacije ili zakona kantona izvorna nadležnost nije dodijeljena nekom drugom sudu.</p> <p>Općinski sudovi osnivaju se zakonom i finansira ih kantonalna vlast.</p> <p>Sudije općinskih sudova, kao i predsjednike sudova odabira i imenuje Visoko sudsko i tužilačko vijeće.</p>
15. Organizacija gradske vlasti?	<p>Za područje dvije ili više općina koje su urbano i teritorijalno povezane svakodnevnim potrebama građana, formira se grad, kao jedinica lokalne uprave</p>

	<p>i samouprave, u skladu sa federalnim zakonom. Grad ima ustav, gradsko vijeće koje se sastoji od jednakog broja vijećnika iz svake općine, broj vijećnika, dužina mandata, izborna procedura utvrđuje se statutom. Gradsko vijeće ne može imati manje od 15 niti više od 31 vijećnika. Gradsko vijeće bira gradonačelnika.</p>
<p>16. Grad Sarajevo kao jedinica lokalne samouprave?</p>	<p>Ustavom Kantona Sarajevo bit će uređeno koje općine ulaze u sastav Grada Sarajeva. Sastav i način odlučivanja organa Grada Sarajeva odražava multietničnost i posebnost Grada Sarajeva kao glavnog grada Federacije Bosne i Hercegovine. Nadležnost, organizaciona struktura i način odlučivanja organa Grada Sarajeva utvrđuju se ustavom kantona, kantonalnim zakonima i statutom u skladu sa ovim Ustavom. Gradsko vijeće bira gradonačelnika.</p>
<p>17. Organizacija Grada Mostara?</p>	<p>U Hercegovačko-neretvanskom kantonu, Grad Mostar se organizuje kao jedna teritorijalna jedinica uprave i lokalne samouprave. Organizacija Grada Mostara se reguliše zakonom i statutom Grada Mostara. Statutom se određuju gradska područja kao izborne jedinice. Vitalni nacionalni interesi su zaštićeni u Gradu Mostaru.</p>
<p>18. Međunarodni ugovori Federacije?</p>	<p>Sporazume sa državama i međunarodnim organizacijama potpisuje u ime Federacije predsjednik Federacije. Oni stupaju na snagu samo ako ih ratificira Parlament Federacije, uz prethodnu saglasnost Parlamentarne skupštine Bosne i Hercegovine.</p>
<p>19. Amandmani na Ustav?</p>	<p>Amandmane na Ustav može predlagati predsjednik Federacije, u saglasnosti sa potpredsjednicima, Vlada federacije, većina delegata u Zastupničkom domu ili većina bošnjačkih, hrvatskih i srpskih delegata u Domu naroda. Predloženi amandman usvaja se:</p> <ul style="list-style-type: none"> - U domu naroda prostom većinom uključujući većinu bošnjačkih, većinu hrvatskih i većinu srpskih delegata. - U zastupničkom domu dvotrećinskom većinom zastupnika.
<p>20. Vlada Federacije, imenovanje i sastav Vlade Federacije?</p>	<p>Vladu federacije imenuje predsjednik Federacije, uz saglasnost oba potpredsjednika, a imenovanje potvrđuje većinom glasova Zastupnički dom FBiH. Vladu sačinjava premijer i 16 ministara i to osam ministara iz reda bošnjačkog naroda, pet ministara iz reda hrvatskog naroda, tri ministra iz reda srpskog naroda i jedan iz reda ostalih. Premijer ima dva</p>

	zamjenika iz različitih konstitutivnih naroda.
--	--

OBLAST - USTAV REPUBLIKE SRPSKE

Pitanje	Odgovor
1. Šta se bira na opštim izborima u entitetu Republika Srpska?	Član predsjedništva BiH iz reda srpskog naroda, poslanici Parlamentarne skupštine BiH sa područja entiteta Republika Srpska, Predsjednik i dva podpredsjednika entiteta Republika Srpska, poslanici Narodne skupštine Republike Srpske
2. Koliko ima izbornih jedinica za Parlament BiH iz entiteta Republika Srpska?	3 izborne jedinice
3. Koliko poslanika Parlamentarne skupštine BiH se bira sa prostora entiteta Republika Srpska?	14 poslanika od čega su 5 kompenzacijska
4. Koliko ima izbornih jedinica u Republici Srpskoj za izbor poslanika u Narodnu skupštinu Republike Srpske?	9 izbornih jedinica
5. Koliko poslanika broji Narodna skupština Republike Srpske?	83 poslanika
6. Od ukupnog broja poslanika u Narodnoj skupštini Republike srpske koliko se dodjeljuje kompenzacijskih mandata?	20 kompenzacijskih mandata
7. Ko vrši zakonodavnu vlast u entitetu Republika Srpska?	Narodna skupština i Vijeće naroda
8. Koje su nadležnosti predsjednika entiteta Republika Srpska?	Predstavlja entitet, predlaže mandataru za sastav vlade, predlaže kandidate za predsjednika i sudije ustavnog suda na prijedlog VSTS, ukazom proglašava donešene zakone, daje pomilovanja i druge poslove u skladu sa Ustavom
9. Ko bira delegate za Dom naroda BiH iz entiteta Republika Srpska?	Poslanici Narodne skupštine
10. Koje su nadležnosti Narodne skupštine Republike Srpske?	Odlučuje o promjeni ustava, donosi zakone, druge propise i opšte akte, donosi plan razvoja entiteta, donosi budžet i završni račun, bira, imenuje i razrješava funkcionere u skladu sa ustavom i zakonom i druge poslove u skladu sa ustavom i zakonom
11. Ko bira Vijeće naroda u entitetu Republika Srpska?	Narodna skupština
12. Koje su nadležnosti Vijeća naroda?	Razmatra zakone, propise i akte koji se smatraju vitalnim nacionalnim interesom jednog od konstitutivnih naroda
13. Koliko članova broji Vijeće	28 članova od čega je po 8 iz sva tri konstitutivna

naroda?	naroda i 4 iz reda ostalih
14. Ko bira članove Vijeća naroda Republike Srpske?	Članove Vijeća naroda bira odgovarajući klub poslanika u Narodnoj skupštini, odnosno poslanički klubovi iz konstitutivnih naroda
15. Ko ima pravo predlaganja zakona, drugih propisa i opštih akata, u skladu sa Ustavom RS?	Predsjednik Republike, vlada, svaki narodni poslanik ili najmanje 3000 birača svojom inicijativom
16. Koliki je cenzus, odnosno potreban broj glasova za osvajanje mandata poslanika Narodne skupštine Republike Srpske?	3 % od ukupnog broja važećih glasova
17. Koliki je cenzus, odnosno broj glasova za osvajanje mandata Predsjednika i potpredsjednika entiteta Republika Srpska?	Za Predsjednika i dva potpredsjednika biće izabrani oni kandidati koji osvoje najveći broj glasova od ukupnog broja važećih glasova
18. Koliko puta jedno lice uzastopno može biti izabrano za predsjednika ili potpredsjednika Republike Srpske?	2 puta
19. Koji je najmanji broj poslanika zagarantovan ustavom u Narodnoj skupštini iz jednog konstitutivnog naroda?	4 poslanika
20. Šta je Ustav?	Ustav je temeljni pravni akt jedne države, u formalnom smislu to je jedinstveni pisani akt najviše pravne snage